

Broj: 12-1241-10/18.
Sarajevo, 23.11.2018. god.

Na osnovu člana 64. stav (1) tačka b), člana 70. stav (1) i (3) Zakona o javnim nabavkama Bosne i Hercegovine („Službeni glasnik BiH“ br. 39/14) i člana 42. stav (2) alineja e) Pravila Kantonalne javne ustanove „Gerontološki centar“ Sarajevo, po preporuci Komisije za javne nabavke broj: 12-1241-9/18 od 22.11.2018. godine, VD Direktor Kantonalne javne ustanove „Gerontološki centar“ Sarajevo, d o n o s i:

ODLUKU o izboru najpovoljnijeg ponuđača

1. U ponovljenom otvorenom postupku javne nabavke **sredstava za pranje i održavanje higijene** za potrebe Kantonalne javne ustanove „Gerontološki centar“ Sarajevo, prihvata se preporuka Komisije za javne nabavke prema Zapisniku o pregledu i ocjeni ponuda za dodjelu ugovora, broj: 12-1241-9/18 od 22.11.2018. godine i **ugovor za nabavku sredstava za pranje i održavanje higijene za period od tri godine**, dodjeljuje se ponuđaču „R&S“ d.o.o., ul. Igmanska bb, Vogošća-Sarajevo (Ponuda broj: 21852/18 od 23.10.2018. godine), za ponudenu cijenu u iznosu od **138.666,42 KM bez PDV-a**, odnosno **162.239,73 KM sa PDV-om**.

2. Prijedlog okvirnog sporazuma i ugovora o nabavci dostavit će se na potpis izabranom ponuđaču u roku od 10 dana, računajući od dana kada je ponuđač obaviješten o izboru.

3. Za izvršenje ove Odluke zadužuje se Služba za pravne i opće poslove KJU „Gerontološki centar“ Sarajevo.

4. Shodno članu 70. stav (6) Zakona o javnim nabavkama, ova Odluka će se objaviti na web stranici www.ges.com.ba istovremeno sa upućivanjem ponuđačima koji su učestvovali u postupku javne nabavke.

5. Shodno članu 71. stav (2) Zakona o javnim nabavkama ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke.

O b r a z l o ž e n j e:

Postupak javne nabavke **sredstava za pranje i održavanje higijene** za potrebe Kantonalne javne ustanove „Gerontološki centar“ Sarajevo pokrenut je Odlukom broj: 12-1241/18 od 24.09.2018. godine.

Javna nabavka je provedena putem ponovljenog otvorenog postupka za dostavu ponuda.

Procijenjena vrijednost javne nabavke za period od tri godine bez PDV-a iznosi maksimalno 150.000,00 KM.

Na osnovu Odluke o pokretanju postupka br: 12-1241/18 od 24.09.2018. god., Obavještenja o nabavci broj: 897-1-1-69-3-26/18, objavljeno 24.09.2018. godine na Portalu javnih nabavki, Ispravke za obavještenje o nabavci broj: 897-1-1-69-8-29/18, objavljeno dana 11.10.2018. godine na Portalu javnih nabavki, sažetka obavještenja o nabavci objavljenog u Službenom glasniku BiH broj 67/18. dana 28.09.2018. godine, kao i sažetka ispravke za obavještenje o nabavci objavljenog u Službenom glasniku BiH broj 71/18. dana 12.10.2018. godine i izvještaja o preuzimanju tenderske dokumentacije od strane ponuđača tendersku dokumentaciju su preuzeli:

1. GOLD MIGNON DOO
2. BBS EUROPE
3. R&S D.O.O. SARAJEVO

4. EKAPIJA DOO
5. BOSNALJEK D.D.
6. DEFTER DOO SARAJEVO
7. GRAFIKON DOO
8. KRAJINAGROUP D.O.O. BANJA LUKA
9. INTER-COM DOO ZENICA
10. VINOJUG DOO
11. TISPROM D.O.O SARAJEVO
12. LALA I LAĆO DOO BIJE LJINA
13. MG-LOTUS D.O.O. BANJA LUKA

Komisija za javne nabavke je imenovana Rješenjem broj: 12-92/18 od 16.01.2018. godine, Rješenjem o izmjeni Rješenja broj: 12-612/18 od 24.04.2018. godine i Rješenjem o izmjeni Rješenja o imenovanju Komisije za javne nabavke broj: 12-866/18 od 22.06.2018. godine.

Krajnji rok za dostavu ponuda je bio 24.10.2018. godine u 10:30. Istog dana u 11:30 sati je izvršeno javno otvaranje prispijelih ponuda na kojem je prisustvovao predstavnik ponuđača R&S d.o.o. iz Sarajeva – Vildana Omerhodžić-Gušić.

Dana 01.10.2018. godine u 15:35 sati, ponuđač „GOLD MIGNON“ doo iz Sarajeva, je putem portala javnih nabavki, postavio pitanje kojim traži pojašnjenje tenderske dokumentacije, odnosno pojašnjenje opisa određenog artikla iz Specifikacije za kontinuiranu nabavku sredstava za pranje i održavanje higijeno.

Ugovorni organ je odgovorio na pitanje ponuđača „GOLD MIGNON“ doo iz Sarajeva i postavio odgovor na portal javnih nabavki dana 03.10.2018. godine u 10:08 sati.

Dana 06.10.2018. godine u 08:29 sati, ponuđač „Lala i Laćo“ doo iz Bijeljine, je putem putem portala javnih nabavki, postavio pitanje kojim traži pojašnjenje tenderske dokumentacije, odnosno pojašnjenje opisa određenih artikala iz Specifikacije za kontinuiranu nabavku sredstava za pranje i održavanje higijene.

Na osnovu navedenog zahtjeva, ugovorni organ je sačinio pojašnjenje i izmjenu tenderske dokumentacije broj 1., koju je dana 09.10.2018. godine, postavio na Portal javnih nabavki.

Dana 15.10.2018. godine u 21:00 sati, ponuđač „Lala i Laćo“ doo iz Bijeljine, je putem putem portala javnih nabavki, postavio pitanje kojim traži pojašnjenje tenderske dokumentacije, odnosno pojašnjenje opisa određenih artikala iz Specifikacije za kontinuiranu nabavku sredstava za pranje i održavanje higijene.

Na osnovu navedenog zahtjeva, ugovorni organ je sačinio pojašnjenje i izmjenu tenderske dokumentacije broj 2., koju je dana 17.10.2018. godine, postavio na Portal javnih nabavki.

Dana 17.10.2018. godine u 11:08 sati, ponuđač „Lala i Laćo“ doo iz Bijeljine, je putem putem portala javnih nabavki, postavio pitanje kojim traži pojašnjenje tenderske dokumentacije, odnosno pojašnjenje artikala broj 85 iz Specifikacije za kontinuiranu nabavku sredstava za pranje i održavanje higijene.

Ugovorni organ je odgovorio na pitanje ponuđača „Lala i Laćo“ doo iz Bijeljine, iako je rok za traženje pojašnjenja tenderske dokumentacije istekao, te postavio odgovor na portal javnih nabavki dana 18.10.2018. godine u 07:35 sati.

Na javnom otvaranju ponuda je sačinjen Zapisnik u kome je konstatovano da su za navedenu nabavku ponudu podnijeli sljedeći ponuđači:

1. R&S d.o.o., ul. Igmanska bb., Sarajevo-Vogošća,
2. GOLD MIGNON d.o.o. Sarajevo., ul. Olimpijska bb. Sarajevo.

Komisija za javne nabavke je dostavila dana 22.11.2018. godine Zapisnik o pregledu i ocjeni ponuda broj: 12-1241-8/18 od 22.11.2018. godine i Izvještaj o radu Komisije za javne nabavke i preporuka za dodjelu ugovora, broj: 12-1241-9/18 od 22.11.2018. godine.

U postupku po Zapisniku o pregledu i ocjeni ponuda i Izvještaju o radu Komisije za javne nabavke je utvrđeno da je Komisija blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2,
- da su blagovremeno zaprimljene 2 ponude,
- da nema neblagovremeno zaprimljenih ponuda,
- da su pristigle ponude ponuđača:
 1. R&S d.o.o., ul. Igmanska bb., Sarajevo-Vogošća,
 2. GOLD MIGNON d.o.o. Sarajevo., ul. Olimpijska bb, Sarajevo.

Nakon javnog otvaranja ponuda, obavljenog dana 24.10.2018. god., izvršena je suštinska provjera i analiza dostavljene dokumentacije, odnosno verifikacija kvalifikacija ponuđača prema kriterijima i kvalifikacionim uvjetima utvrđenim Tenderskom dokumentacijom. U ovoj fazi postupka, Komisija je utvrdila da je jedina prihvatljiva i kvalifikovana ponuda ponuđača R&S d.o.o. Sarajevo, te da dostavljena ponuda ponuđača „GOLD MIGNON“ d.o.o., ul. Olimpijska bb, Sarajevo, ne zadovoljava selekcijske kriterije, zbog čega nije ispunila uvjete za učešće u daljem postupku, a iz sljedećih razloga:

I Ponuđač „GOLD MIGNON“ d.o.o. Sarajevo

1) Tačkom 6.1.3. Tenderske dokumentacije broj: 12-1241-1/18 od 17.10.2018. godine, propisano je sljedeće: „Rok za isporuku robe je najkasnije 2 (dva) dana od dana prijema narudžbe, i to do 10:00 sati ujutro, a za slučaj hitne potrebe najkasnije naredni dan po prijemu narudžbe, do 10:00 sati ujutro.

Imajući u vidu zahtjev iz tačke 6.1.3. Tenderske dokumentacije, suštinskom analizom sadržaja dostavljene izjave, Komisija je utvrdila da ponuđač „Gold Mignon“ d.o.o. Sarajevo nije prema zahtjevu ugovornog organa dostavio Izjavu o roku isporuke robe na način kako je to predviđeno u Tenderskoj dokumentaciji.

U ponudi ponuđača „Gold Mignon“ d.o.o. Sarajevo dostavljena je izjava od 22.10.2018. godine sljedećeg sadržaja: **„Kojom izjavljujemo da ćemo robu isporučiti u roku od 2 (dva) dana od momenta prijema narudžbenice od strane ugovornog organa i to 10.00 sati ujutro, a za slučaj hitne potrebe najkasnije narednog dana po prijemu narudžbe i to do 10.00 sati ujutro“**, što ovu izjavu čini nepotpunom.

2) Tačkom 8.2.1. pod c) Tenderske dokumentacije, broj: 12-1241-1/18 od 24.09.2018. godine, kao i izmjenom broj 1 Tenderske dokumentacije od 09.10.2018. godine i izmjenom broj 2 Tenderske dokumentacije od 17.10.2018. godine, za ponuđače je propisano da su dužni dostaviti sljedeće: „Popunjen obrazac za cijenu ponude sa svim elementima koji je čine, kao i potrebnim objašnjenjima, na način kako je definirano u Aneksu 4. tenderske dokumentacije“.

Uvidom u Ponudu ponuđača „Gold Mignon“ d.o.o. Sarajevo, broj: 227-A-10/18 od 22.10.2018. god., Komisija za javne nabavke je prilikom pregleda Aneksa 4. konstatovala sljedeće: kod stavki pod rednim brojevima: 11., 15., 16., 18., 20., 26., 29., 62., 67. i 83., ponuđač nije ponudio proizvode u skladu sa zahtjevima iz tenderske dokumentacije, dok u stavci 33. ponuđač nije naveo zemlju porijekla proizvoda, što ponudu ovog ponuđača čini nepotpunom i nekvalifikovanom za dalje učešće u predmetnom postupku nabavke.

Imajući u vidu naprijed navedeno, kao i konstatovane suštinske nedostatke u ponudi ponuđača GOLD MIGNON d.o.o Sarajevo, ista je ocijenjena nekvalifikovanom, te je kao takva isključena iz daljeg postupka javne nabavke.

Tenderskom dokumentacijom je u skladu sa članom 64. Zakona o javnim nabavkama kao kriterij za dodjelu ugovora utvrđen je kriterij „najniža cijena tehnički zadovoljavajuće ponude“.

Komisija za javne nabavke nije izvršila rangiranje, iz razloga što je samo jedna od ponuda ocijenjena prihvatljivom.

Obzirom da je ponuda ponuđača R&S d.o.o., ul. Igmanska bb, Sarajevo-Vogošća, ocijenjena kao jedina prihvatljiva, a imajući u vidu da je ponuda ponuđača „GOLD MIGNON d.o.o. Sarajevo., ul. Olimpijska bb,

Sarajevo, ocijenjena kao nekvalifikovana i isključna iz daljeg postupka, to Komisija za nabavku predlaže prihvatanje ponude, te shodno članu 70. stav (1) i (3) Zakona, donošenje Odluke o izboru ponude ponuđača R&S d.o.o., ul. Igmanska bb, Sarajevo-Vogošća, kao prihvatljive za predmetnu nabavku. Cijena prihvatljive ponude bez PDV-a za period od 3 godine iznosi 138.666,42 KM, a ukupna cijena ponude sa PDV-om za period od 3 godine iznosi 162.239,73 KM.

Prilikom donošenja ove Odluke posebno je cijeñjena činjenica da je Komisija za javne nabavke shodno kriterijima iz Tenderske dokumentacije pravilno i potpuno izvršila ocjenu kvalificiranosti ponuđača, te ocjenu prihvatljivosti jedine kvalificirane ponude.

Ocijenom provedenog postupka v.d. direktor KJU „Gerontološki centar“ Sarajevo nije našao ni jedan razlog nepravilnosti, niti propuste u radu Komisije za javne nabavke, koji bi eventualno bili osnov za neprihvatanje Preporuke Komisije.

Naime, ocijenjeno je da je Komisija u svemu pravilno postupila, te da je izbor ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju nesporno je da je izabrani ponuđač **R&S d.o.o., ul. Igmanska bb., Sarajevo-Vogošća**, dostavio prihvatljivu ponudu, sa ponudnom ukupnom cijenom za period od tri godine u iznosu od **138.666,42 KM bez PDV-a, odnosno 162.239,73 KM sa PDV-om.**

Iz navedenih razloga, primjenom člana 64.stav (1) tačka b) Zakona o javnim nabavkama, te Izvještaja o radu Komisije za javne nabavke i preporuke za dodjelu ugovora, broj: 12-1241-9/18 od 22.11.2018. godine, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana, od dana prijema ove Odluke. Žalba se podnosi Kantonalnoj javnoj ustanovi „Gerontološki centar“ Sarajevo u pisanoj formi, u 3 (tri) primjerka.

Dostavljeno:

- 1x R&S d.o.o., ul. Igmanska bb., Sarajevo-Vogošća
- 1x GOLD MIGNON d.o.o. Sarajevo., ul. Olimpijska bb, Sarajevo
- 1x SL.za pravne i opće posl.Geront.centra
- 1x Komisija za javne nabavke
- 1x a/a

